

四庫全書

集部

欽定四庫全書

皇清文頴卷首二十二

御製詩

五言律詩

春日雨後海子外行園二首

雨後觀新柳垂絲帶玉珠  
村村生意足處處早春殊  
馬健方堪騁鷹雛未解呼  
萬家烟火裏簑笠快何如

繡陌連芳嶼韶光十里繁  
綠深楊柳岸紅暗杏花村  
時

雨占年稔新晴愛日暄遊觀回勒晚殘照落柴門

東作

東作三春始滋生萬物稠公田平似掌新水綠如油蟲  
捲柔桑葉針抽嫩穎頭乘時功力備多稼定今秋

恭和

御製詠竹原韵

藻砌紛青籜芳園滿綠陰最宜時雨洗不碍歲寒侵

宸暇方遊豫

皇情暢詠吟年年常近日清節與虛心

花信風

欲識春來處先看花信風未搖枝上綠已綻蕊頭紅長  
養元功普吹噓大造同何須催羯鼓列繡杏園東

鶴跡

曲徑苔迷路幽棲鶴作隣舞階猶惜影步月不生塵印  
出留深跡翻將疊軟茵松門未曾掩幸得接嘉賓

春湖涵碧

碧水漾平湖空明一鏡鋪  
鬚眉應可鑑塵垢杳然無點  
點浮青荇雙雙下白鳬  
春風浴沂水視此意何殊

鏡水荷香

半夜芙蓉雨三間水月樓  
清香隨處度風景一時收  
斂  
密妨魚躍花深隱鷺遊  
詩情頻入座不必問漁舟

板橋霜跡

隔溪亭子迴為駕板橋通  
秋老碧天白寒流楓葉紅  
捲  
簾吟夜月著履步霜風  
愛此雙雙跡扶筇過水東

萬年松

勁幹挺森森  
窻前滴翠深  
依然臨水石  
即此是山林  
香氣濛春霧  
華枝覆午陰  
瓶梅與盆竹  
聊結歲寒心

輓轡聲

綠水漲平湖  
春田轉輓轡  
耳根鳴斷續  
眼界樂霑濡  
漫厭繁音急  
從觀生意蘇  
機心緣力稼  
不與漢陰殊

瀛臺觀木變石

異質傳何代  
天然挺一峰  
誰知三徑石  
本是六朝松  
苔

點猶疑葉雲生欲化龍當年吟賞處借爾撫遐蹤

清簟看棋

松枰消夏日竹簟納涼颺任爾機心密皆吾靜賞時  
鳴濤泛峽香爇篆縈絲黑白分明看疎簾月漸移

夏日園居即事四首

園有山為郭齋因樹作牆開軒惟欲敞引徑不嫌長  
淡月梧桐影輕風蘿薜香無心瀟灑客勝地足徜徉

宿雨潤新葩紅蒸一片霞看雲閑藉草愛客緩烹茶坐

弄流泉潔眠當皓月斜子西得意句分付與山家  
綠竹令人遠青松迥出羣山明眉乍畫溪暗帶如分古  
帖閒來搨名香手自焚晚涼急雨過星漢淡微雲  
為有披襟者林風拂面來芙蓉碧沼麗楊柳夏亭開愛  
鶴閒移榻呼僮淨洗杯往來依石徑半為愛蒼苔

萬壽寺方丈小憩

庭有參天柏堦饒匝地花鳥棲喧皓月鶴立對晴霞寥  
寂鐘魚靜蕭閑山水嘉閣黎公案熟讓客趙州茶

六月七日率王貝勒等泛舟即景

勝地尋幽賞天倫樂事并舟迴芳甸轉雲淡遠山橫新  
霽田疇潤微風景物清水禽飛上下總是樂生生

己未夏六月恭進

皇太后字扇一柄謹成

玉漏林間度遲遲日正長問

安承色笑撫景願清涼冰簟堪祛暑薰風恐拂裳寸忱  
託輕箴長此效黃香

六月十八日初霽恭侍

皇太后園中遊賞謹成一律

膏雨公田足歡遊禁苑多欣陪

文母御不數漢王歌山向雲中隱舟從畫裏過

慈顏添豫色至樂復如何

月夜泛舟

泛月開輕舫微風送棹歌一輪懸玉鏡千疊湧金波魚  
躍蘋花動螢流燭影過猶聞簫鼓急別殿按雲和

雨二首

細雨落還止  
油雲斷復行  
當秋著物冷  
灑迥織絲明  
溪口添新漲  
簷牙續舊鳴  
來朝直北望  
天淨五雲城

麥隴綠菲菲  
秋苗潤更肥  
因風鳴淅瀝  
入夜聽霏微  
此際方增冷  
何人未授衣  
先民憂樂切  
詎隔九重扉

登賞遇樓疊前韵

為有松為蓋  
因依石作齋  
雲烟生砌潤  
山翠入窻佳  
綠野咸供望  
丹梯即此階  
拈毫舒逸興  
至樂傲無懷

秋日御園即景

臺館含秋爽  
衣衫切曉涼  
亂荷紅帶紫  
疎柳綠兼黃  
砌草藏蛩語  
池波印雁行  
憑欄無限喜  
千頃稻風香

清河道中

始發清河道  
將為塞上行  
看山青覺近  
問路景如迎  
風爽催征轡  
雲光獵綵旌  
所思明舊制  
豈為騁遊情

秋日奉

皇太后口外行圍六首

列塞騰千騎三秋駕六飛校蒐遵

祖制問寢奉

慈闈纚纚田車好祁祁原獸肥金風如有意爽氣龍衣征

代是熙和候秋當獮狩時風雲森羽衛物象擁旌旗皎

日曛曛照涼颼左右吹近光多父老前導莫驅馳

秋原零白露羣鹿應時鳴駭野車徒勝彌川草木平祇  
期軍律整無取大庖盈誰獻長楊賦臨風憶客卿

暮色滿平川行宮景物妍  
砌蛩喧此夕梧月照當年  
皇祖曾停蹕孫臣獲侍筵  
幾多承雨露追想倍悽然  
行漏催寒夜銀檠虎帳懸  
霜笳鳴塞上星斗掛天邊  
牧馬聞呼聚飛鴻列陣旋  
禽荒曾有戒無逸誦終篇  
當秋鷹羽疾度塞馬蹄輕  
目極山川秀詩含草木清  
天高雲帶影風勁壑傳聲  
更值西成好沿途喜氣迎

避暑山莊行宮懷舊二首

離宮對碧岑峭石聳成林  
壁有曾題字庭餘獨樹陰  
簾

惟秋日靜曩鼎篆烟沉況是承

恩地能無憶舊心

幻塵同夢鹿佳境似遊仙帆影留雲在江聲共月懸

雲帆

月舫月色江聲皆宮中別院名也

綠窻蛛織網粉壁鳥銜鈿回首驚心

處流陰忽廿年

除夕立春

餞年兼餞臘迎歲却迎春勝綵裝屏麗盤椒獻座新餘  
寒退殘夜韶景入元辰應律敷陽德還思與物均

夏日遊玉泉山羅漢洞疊前韻

宿具遊山興因來避暑頻  
月光瞻古佛笙韻聽新筠  
空色原無二林泉自有真  
寄言塵俗客到此悟迷津

螢

雨後飛螢出因風散碎光  
梧堦流熠燿蘆岬照蒼茫  
裁句吟清夜攤書卧晚涼  
那堪當夏半秋意到南塘

望桃花寺

疏山通鳥道間樹出精藍  
殿閣凝秋靄川原靜曉嵐  
鐘

聲天半叩塔影鏡中涵尚憶十年事孤吟古柏南

曉月

茅店雞鳴曉烟溪客渡津無須珠照乘博得影隨身旅  
况饒千樣長空祇一輪纖阿曾有約萬古助行人

草色

軟茵纔疊砌細毯漸周阿旭照初含煥春迴久孕和帶  
烟青骨絮無水綠生波

子于出潘岳射雉賦  
子丑石反子耻錄反

胎仙

過雙雙印隸科

來青軒二首

松棟久徬徊，遐心一暢哉。  
禽言留客住，山色送青來。  
宿雨滴岩樹，輕嵐拂砌苔。  
綠疇千頃浪，是我放愁纒。  
屏風背遠山，畫障面平野。  
邱壑靜入吟，松篁翠堪把。  
閑雲認岫歸，薄霧出楹寫。  
倚檻眎蒼茫，遼天孤鶴下。

過玉泉

輕籟蕩平林，晨鳥隱曉陰。  
山葩看野色，樹鳥聽幽吟。  
初地因相訪，陳題此重尋。  
亭泓俯靈沚，藉以滌塵心。

恭謁

永陵

追王傳前籍

遺庥逮後昆  
高山瞻彼作  
德水溯茲源  
疆理興家室  
星辰衛

廟垣幾多瓜  
瓞感揮淚灑  
寒原

恭謁

福陵

草昧起

英雄

維皇乃眷東風雲龍虎會日月海天中

帝業千年鞏

山陵萬古崇永維

無競烈繼序矢深衷

恭謁

昭陵

早是

天歆漢何曾鹿逐秦百年經五世一壘豈三旬太室蒸  
嘗永

元宮松柏新紹庭懷積悃展拜此時申  
敬觀

太宗所御鹿角椅

天然鹿角椅合拱不傾歆製朴

身常泰形端道可思奢慙珊枕伴儉似葛燈遺却憶艱

難際曾無偃息時

除夕

送故與迎新東皇轉化均良宵堪惜惜淑氣始礪礪歲裏餘三鼓春歸已一旬流年何以餞思居倍增寅

遊潭柘岫雲寺即事雜詠得詩六首

攀雲尋淨地間樹出祇園息我幻塵念遊茲法海門靈潭徵自古老柘藟生孫欲擬留詩去詩中無可言

春山綠如洗四面作佳隣默對如如相慙為汲汲人天

香凝篆細空樂韻松頻古衲餅盂淨將無隱者倫  
乳竇淙淙注天窻小小懸千松排障外一水到齋前遠  
邛雲中岫平臨谷口烟瞿曇無說說鉢裏茁青蓮

憶在天成寺禪房有句留山川原並羨歲月幾遷流龍  
卧深潭底鳥吟高樹頭閑雲知我意到處分相投

小軒臨絕澗朝暮寫烟霞近席挹清籟虛窻碎白紗

聖蹤餘想像題字走龍蛇

松竹清泉  
御筆題行宮名也

皇祖  
誰演楞伽

法能聽倩綠芭

簇簇玉芙蓉嶸嶸當戶濃豈因供攬結聊可盪心胸  
柏子窻間落石泉堦下淙徘徊遲去騎徑轉尚聞鐘

二月二十七日耕藉禮成得詩四首

昭蘇春氣濃千畝正南縱勸穡倡羣辟

明禋考秩宗輕雲籠旭日殷禮享

先農佇望甘膏沛微衷益致恭

皇考勤農本年年盛典修春郊方淡蕩穡事敢遲留  
野老披簑笠青壇覲冕旒頌恩勞終畝旨酒美思柔

綵棚周沃壤葱牂服青犂京兆種方布皇州草未萎  
九三分位次黍稷按東西釀雨雲容好應霑硯起泥

祥風扇盎融金翼影方中閭闔千門啓逶迤一路通  
心因繩

武恪禮以重農隆蠶館初諏吉勤民此意同

是年初命  
皇后舉親

禮蠶

雨後玉泉山三首

宿潤蒼林顛澄心對玉泉山花皆喜色薜徑絕塵緣藻

底窺潛鯉枝頭聽午蟬憑欄無限意綠隴正迴鮮  
行漏隔花稀山亭坐翠微湖光梳石髮峰色潤苔衣薄  
真林間度濃陰磳外肥對時思解阜不藉五絃揮  
西山濯碧螺積翠一窻羅於此賞心遇所欣即事多汀  
葩紅爛漫壁蘚綠婆娑詩思今何許剛如雨後波

頌朔二首

闕宮蒸祀罷象魏授時頒舊歲行將盡新年去復還時  
和詎可恃日久倍知艱所願周寰宇官清民自閒

試問司天史羲娥移不移璿璣誰可度珠斗若為推六  
合車書會千秋道法垂去年重入想崇政涖朝時

恭奉

皇太后幸湯泉

翠輦駐雲莊春暉載小陽靈波暄不凍勝地景偏長數  
八稱功德齡千益

壽康不須分別見是水一如湯

韻松軒三首

是松山林中物而書室適建此幕把朝吟且以名軒  
誠得遇矣夫不有瑰奇卓犖之材君門萬里不能自  
進者乎觸目警心非有愛於是松也

挈空露遠岑蒼翠復陰森靜是有聲盡動為無操琴何  
須泉咽石自有鶴棲林悟對寥天一悠然獲我心

讓竹稱君子無松不大夫豈隨春作態直與古為徒勁  
幹天邊倚真聲靜裏輸不因人作止信矣德充符

書齋結構新黛色罨窻頻每顧消塵念興言得好鄰伊

誰知樹性為我種龍鱗寄語如松者林中漫隱淪

七言律詩

賦得卧聽村村打麥聲二首

夏雨初過已有秋黃雲片片擁來牟暖畦錢刈青莖亂  
晴圃耨翻紫穗稠舍隔西東聲拍拍戶饒餅餌樂油油  
高齋亦識豐年景夢蝶牕頭酒一甌

雉母呼雛隔野塘北牕初啓學羲皇田間錦疊千重縐  
隴上濤翻四月涼場圃地喧耨板響鄰家風送午炊香

從容鼓腹堯天裡為魏農人鎮日忙

雍正九年十二月二十日

皇祖實錄御訓告成

皇父陞殿恭受禮成羣臣慶賀恭紀三首

寶袂金輿瑞靄盈恭迎

帝輦出乾清

起居本是當年注紀載欣看此日成

佑啓萬年隆國祚繼承四海仰

皇情告成應受千官賀金殿瞳矐旭影明

史館修成

聖典垂一番歡喜一番悲提携舊憶

音容在懽慕今驚歲月移光發瓊囊臨殿陞祥開玉帙  
煥采愚幾回拱手丹墀立感事沉吟七字詩

薄海霑濡雨露勻

九重咨倣煥絲綸典謨從識唐虞聖功叙還同覆載仁

憶昔追隨

宸極久祇今瞻仰史書新光天黎獻歌思永況復躬承  
渥澤人

海潮應月

海壘初見一痕生突兀看雪嶺橫勢狀百千雷鼓震  
信符三五月輪明濤頭逐馬漫天湧浪尾歸舟向海行  
偶現色形還寂靜方諸看取水盈盈

玻璃盤

斐几無塵罽毯平玻璃盤子伴高清一般皎潔羞雲母

四射光芒突水精巧質非緣周玉府

周禮天官玉府合諸侯則供珠盤玉

敦嘉名詎數漢金莖幾回拂拭澄如鏡靜對冰心一片

明

恭讀

皇祖御製避暑山莊三十六景詩并閱圖感成長句五

首

天開勝境比卷阿浩蕩春熙萬物和祇為養

親溫清備非闕奉已豫遊過迎涼臺榭依山迥延真軒

憲傍水多頷領孫曾難數計  
扈遊何幸沐

恩波

猶憶壬寅三月春隨

鑾方始奉恩綸

天顏近接承歡久

日角時臨賜喜頻在耳

德音猶似昨開函

御筆鎮如新祗緣深眷吾

皇意愛育餘波及小臣

金泉避暑闢離宮行樂還期兆庶同書史研求遵古訓  
桑麻藝植愛幽風追陪六膳分銀餽趨侍三驅躍玉驄  
指點圖中當日事

鼎湖何處可攀龍

靈臺不見文王御仁壽空傳唐帝宮樓閣簾櫳虛夜月  
殿堂松柏老秋風當年遊賞疑天上此日酸辛對畫中  
賸有

宸章恭洛誦幾回青睞憶

重瞳

鼓響春音夢裏遷披圖不覺淚潜然詩侔風雅傳千載  
畫聚烟霞扁一編典籟秋風噓大塊雲章星彩麗高天  
冷窻課罷頻唵諷回首光陰已八年

題隨安室壁

淨心無礙所居安丈室爭強拓地寬數軸牙籤懸座側  
一窻風月入毫端壺中有水閒來點琴上無絃靜裏彈

入夜跣趺還結坐宣爐火活炷沉檀

洗硯

捐罷蘭亭日影移好將龍尾浴清池波漂雲片隨流急  
手洗烟痕欲去遲湖上翻沙驚燕子汀邊吞墨飽魚兒  
精心拂拭消餘暇還憶齋頭把筆時

聞軍營大捷誌喜二首

旭日揚輝氛沴消光天雨露九瀛朝行間效命嫖姚霍  
斗畔推車相國蕭沙漠忽聞收戰馬泮林佇見集飛鶚

勒功一片留何處更過燕山萬里遙

轅門鼓角萬軍鳴  
執訊連連繫大營  
日照三山光四壘  
風迴千隊動雙旌  
已聞魚海全消燧  
更看天河淨洗兵  
最是王師征不戰  
金甌永固萬方清

遊蕉園

水牀聲裏過長湖  
遠岼人行似畫圖  
雪覆蕉園松突兀  
雲生古殿路虛無  
南臨太液風鈴語  
北望瓊華塔影孤  
屐齒幾番遊歷處  
寒林已聽噪歸烏

賦得自鉚明月種梅花

溪畔梅花欲放遲，數株分種傍堦墀。  
鉚翻夜月和香動，手握寒根帶影移。  
花信漫愁催落盡，畫楹初有照來枝。  
何須秉燭尋幽趣，舉首冰蟾未墮時。

題米襄陽畫

雲氣濛濛暗遠天，人家微辨水村邊。  
渡頭風靜帆無力，溪尾春歸浪有烟。  
塔影平臨千畝外，城樓高踞兩峰前。  
瀟湘雨意憑誰識，座上猶疑對老顛。

雪消

皓素漫空映綺寮春回大地凍全消光凝玉樹寒深淺  
水潤蘭階影動搖梅已過時添舊蕊柳將應節放新條  
朝來最喜霑濡足指日芳畦透麥苗

冬夜焚香

空林寒噪暮鴉還霽霽沉烟裊博山一縷自來參鼻觀  
三千原不出塵寰味餘火冷灰殘處興在藤床月牖間  
莫漫丁東催漏箭高齋消得暫時閒

甲寅冬至

上躬祀

南郊恭紀二首

馳道曈曨散曙光  
祥凝玉輅煥龍章  
精誠

聖德通

乾賦肅穆

皇儀紀奉常  
黍谷灰飛方應律  
雲門樂奏正迎陽  
微風  
不動柴烟直  
遙望天門闢九閭

一綫陽和何處生重重瑞靄映層城曉光彩映霜花動  
韶律春迴朔氣清百福均隨長日至九瀛並奉泰階平  
上林已先東皇令殿柳宮梅欲向榮

我

皇考避棄臣民遽易節序追思

高厚再覲無期予小子夙承

庭訓懋學書齋用是苦塊之次述哀痛之忱中心迫切  
不能自己敬成長律以誌終天之慕云

勤勞宵旰

一人心痛念

前徽淚滿襟

顧復深恩難可報  
續承丕業敢忘欽  
堪嗟時序秋冬異  
竟抱悲哀歲月深  
望斷白雲

仙馭遠還思

仙馭式來臨

夢裏雞鳴驚問寢  
曉瞻帷幙頓生悲

劬勞漫說終身慕

德澤誠留萬古思聆

訓庭前猶憶昔承歡膝下更何時  
蓼莪讀罷增沉痛繼序艱難只自知

十月三十日

皇考聖誕辰也歲歲稱觴獻壽今忽於雍和宮縞素將事痛何如之敬成長律用誌哀忱

率土呼嵩慶六旬歡聲頓歇哭聲頻誰知拜舞稱觴日

忽作悲哀致莫辰

化普寰區咸遏密心傾黎庶共尊親

皇靈陟降瞻霄漢尚懇餘波惠子臣

覽舊作誌懷

芸帷書史昔留連今日拈毫屬偶然  
剩有憂懷披奏牘那餘逸興賦詩篇  
漏聲滴盡銀壺箭香縷飄殘寶篆烟  
輸與昨年瀟灑甚綠窻愛月正遲眠

咏禁中紅葉賦得霜葉紅於二月花

寥天爽氣到楓宸恰有霜枝點綴新色借花欄紅乍染  
影依玉砌冷初勻鬱森未許遊蜂集絢爛還教宿鳥馴  
更喜西成逢稔歲萬家雨露沐陽春

丙辰十月十六日恭送

皇考梓宮至

泰陵奉安

隆恩殿告祭還京悲慕如疑呼搶欲絕途次敬成長律

四首以誌深痛

過隙光陰歲已週

龍輿朝駕痛難留  
纘承任重何由報

顧復恩深未少酬

雍邸回看宮闕寂

橋山空對几筵愁

尊親寰宇傾心久  
夾道蒸黎總淚流

兩行衰柳暮寒烟  
一路悲風拂綵旃  
易水如添愁脉脉  
燕山不斷恨綿綿  
未過虞帝巡方載  
猶少成王享國年

夢裏瞻依仍似昨問安常在

寢門邊

楓葉初丹槲葉黃當前觸目助悲傷

鼎湖冉冉寒空靜

蘆殿淒淒夜月涼憶斷白雲還杳渺望窮碧落轉蒼茫  
悲懷長此增沉痛忍別

山陵路阻長

雖是

金  
卷三十二  
元宮未閉時，可堪無處覩。  
牀帷鬱蔥巒，岫千靈護。  
峴嵒松楸萬籟吹。

仙馭漸離心，未遠歸鞍將去意。  
多遲言旋，正值稱觴日。

十月三十日是  
皇考聖誕辰也  
空向

慈容獻壽卮

十月二十五日得雪


同雲四野望漫漫，瑞雪霏微失遠巒。  
麥壠乍欣占稔歲，茆檐還慮怨初寒。  
飄飄柳岫飛輕絮，點綴梅村剪薄紈。

最是上林饒景色小春時節玉花攢

冬至南郊

黃鐘應律兆千祥喜見天心復一陽子夜灰飛旋淑氣  
泰壇日麗散晴光明禋盛禮稽三代御世鴻猷愧百王  
祇祝精誠通

帝載眷予寰海樂倉箱



皇清文穎卷首二十二

欽定四庫全書

集部

皇清文穎卷二十四

詳校官檢討臣朱依昊

主事銜臣徐以坤覆勘

覆校官中書臣田尹衡

校對官監丞臣侍朝

謄錄監生臣李大綬

欽定四庫全書

皇清文頴卷首二十三

御製詩

七言律詩

雨夜詠懷

欵枕城烏喚曙時  
雨聲漸急漏聲遲  
廉纖細潤應含麥  
料峭輕涼欲透帷  
治理每慙先哲訓  
憂懷未許侍臣知  
更闌點滴難成寐  
萬戶饑寒靜裏思

恭題松竹梅畫譜

并跋

埭畔凌冬傲雪株濡毫渲染發清娛松枝翠拂蒼鸞尾  
竹實紅垂火齊珠香散檀心欺蠟淡花懸磬口帶寒敷  
作朋三壽微忱切生意長含看此圖

潛邸時讀書之暇間亦旁涉繪事嘗供製此圖進呈  
聖母清玩者松竹取其經冬而不凋梅萼取其凌寒而  
益茂舒華耀實愛日暄妍蓋用以獻祝也今荷蒙  
聖母宣付裝潢仍

命題句於右爰敬述前意並綴韻言藉昔人三友之名  
為子臣九如之頌聊以效稽拜之忱悃云爾

柳色

嫩綠柔黃取次添勾留韶色細眉尖池塘日暖初臨水  
庭院烟濃半映簾綺句只愁歌謝韞銷魂誰解賦江淹  
禁烟已近頒新火好向村傍拂酒帘

詠牡丹擬禁體

不用富貴爛熳並  
姚黃魏紫等字

葉概花姿天與真松為好友石為隣可知氣韻饒羣卉

肯以容華媚主人蝶醉未醒風似麝僧叅初定月如銀  
憑軒不雜笙歌賞恐使清標漸染塵

甘霖普降特召大學士內廷翰林圓明園泛舟遊  
覽即事成詩同諸臣面賦以誌一時勝賞時乾  
隆三年六月六日也

偶因幾暇事遊觀特許儒臣禮數寬霽現山容凝翠黛  
風披水面縐冰紉泛舟共勗濟川訓即境還思力穡難  
前日甘霖敷澤遍新詩分賦誌同歡

新秋泛湖

一夜西風催溽暑滿天爽氣送新涼  
輸將團扇三分冷  
贏得平湖十里光  
野艷沿堤秋卉簇殘紅  
亞水晚荷芳  
輕舟掉入烟波裏  
愛聽漁歌引興長

秋夜南苑行宮懷舊偶行

再經南苑動秋情  
別殿宵深景物清  
最愛寒光牕外映  
那無逸興靜中生  
閑階亂草低螢火  
古寺疎鐘叩月明  
奏牘手批更漏永  
轉教重憶舊經橫

冬至齋居偶閱舊稿誌懷

靜聽迢迢更漏長  
齋居暫屏萬幾忙  
那無詩句娛清景  
恰有梅梢送冷香  
案積陳編閒檢點  
志期舊學重商量  
灰飛子夜調元律  
又喜天心復一陽

新正二日召集羣臣於乾清宮賦栢梁體詩朕既  
首倡又成七言一章

泰交堂陛列鴛聯  
日暖彤墀淑景鮮  
祇以賡歌鳴喜起  
非誇宴樂拂絲絃  
觴浮柏葉添吟興  
筆灑瓊華映綺筵

更喜正元飄六出又增新瑞紀瑤編

九日

菊蕊舒黃楓葉紅重陽還與去年同却驚時序馳駒隙  
漫惜芳菲逝水東落帽輸他誇俊逸宵衣惟我積憂忡  
朝來縱不登高望萬戶饑寒在眼中

登盤山天成寺江山一覽閣作

兩峯天闢仙壺路到眼江山萬派分樹嵌丹崖空外合  
泉鳴碧澗靜中聞綠塔籜走秋聲細裊鼎香飄瑞靄紛

今日身行圖畫裏六塵幻有等浮雲

南苑新衙門行宮即事

南苑重來羽騎馳離宮未御已經時  
新詩消遣閒中興舊學商量靜裏知  
花笑迎人誇得意鳥吟為我話相思  
留連不是耽風景却惜年華暗轉移

四月望後雨澤未足朕憂心如焚臣工頗有以春  
雨旣足尚可無憂者然而無以釋朕懷也越五  
月丙寅雨澤旣霑命駕進宮見路旁如雲而有

秋者麥田也如油而茂夏者晚稼也乃快然以  
喜則知朕前此之憂不徒憂矣既以成詩爰命

臣工和之

望漢瞻雲子夜中恩膏忽沛仰鴻濛恰欣渥澤能蘓槁  
肯信浮詞為省躬輦度麥圻黃幕幕盼迴黍壠綠芄芃  
薰風稍解吾民愠後樂先憂此意同

夏日奉

皇太后幸靜明園

雨後園林景物閒六龍時幸奉

慈顏花迎步輦饒生意峯入窻櫺濯宿鬢  
隔院疎鐘偏得得會心好鳥亦關關親承

色笑忘煩暑多少歡欣柳外還

登靜明園古華嚴寺

雨餘曉岫矗新青幾暇時臨翠輦停為謁空王  
瞻月相却教飛蓋傍雲扃風鈴常轉蓮花藏  
貝葉間披金字經試問奏章陳積否隔林行漏已泠泠

雨後剪園中新蔬敬獻

皇太后謹成一律

夏畦雨足綠霏霏  
萼茁如酥韭葉肥  
為驗農桑臨別苑  
藉方菽水奉

慈闈盤盛烟甲先  
秋冷手剪香芽滴  
露稀生意靜觀欣  
自得還思發育遍  
郊畿

初秋偶間

幾餘贏得片時間  
鏡澈波光黛染山  
風挾秋來徧拂袖

花因暑退亦開顏  
龍蟠戶牖松千尺  
琴響階除水一灣  
肯逐物華臨別苑  
徘徊獨立憶民艱

皇考實錄聖訓告成恭紀長律四首

儒臣橐筆久摩研

赫濯聲靈信史傳  
法則昭垂千萬禩

勤勞想見十三年  
誠孚度索懸撞地  
象應聯珠合璧天

寶錄拜觀欽

涉降衷忱可勝凜  
冰淵

實錄端惟實政書敢將繪藻飾空虛推車有賴賢全網  
折鑑無煩莠早除敬凜盤銘

湯刻器試揮薰雅

舜垂裾紹

庭難繼勲華盛幾度沉吟訪予

詎止刑清政亦清德威惟畏德明明列卿朝退宵書思  
野老春深晝課耕共仰

精勤周庶物可知

恩澤沛寰瀛趨

庭早識綏猷本一字書紳道在誠

音容五載隔雲天乍捧琅函淚湧泉

提命無能窺蕩蕩繼承有志矢乾乾萬年孫子欽堂構

四海謳歌被管絃法

祖敬

天心不已千秋徽懿映瑤編

秋日侍

皇太后幸靜明園奉

聖母命敬成長律得佳字

翠羽金輿拂曉排離宮別館到秋佳野花隨

輦如春半行漏依人報午脾霜色風光凝罕畢山容水

態翬軒齋

慈顏悅豫陽和暖薄海同傾愛日懷

春池泛舟

一篙新漲漾波明蘸影金絲弄午晴不舍如斯觀妙道

載舟可譬察輿情湖山入畫迎人翠鳬雁當春得意鳴  
不是嬉遊廢宵旰每從物理驗生生

細雨

細雨廉纖勢正長清和膏澤被羣芳油雲出谷藏山色  
亂點飛空接水光萬頃黃添麥穗潤千畦綠重稻苗香  
宵衣對此增乾惕敢恃豐年樂阜康

靜明園即事

樹自青蔥花自妍青山當戶足雲烟遊因避暑常携卷

坐愛烹茶每就泉風度鐘聲來嶺外鳥啣果實落堦前  
乘閒更上西崖閣樂在桑郊稻壠邊

逢次見西成有象喜而有作

暑雨祁寒苦怨咨金風玉露屆秋時最欣比櫛村村象  
恰向征途歷歷知場圃却聽耒耜亂響原田還看稂多遺  
歲豐更切乾乾意肯為從禽志少移

要亭行宮晚坐

一川景物闕斜陽極目拈題興渺茫平野風寒吹稻黍

遠山日暮下牛羊  
笳聲幾處梅花落  
月色誰家秋思長  
更剪銀燭披奏牘  
憂勤那得暫時忘

秋山

秋山雨霽別穠纖  
觸目題詩逐便拈  
落葉風前自瀟灑  
野疏霜後更清甜  
磧程遶濶行行遠  
樹色丹黃日日添  
射獵歸來迴望處  
紅霞猶遶數峯尖

重陽日喀喇河屯行宮侍

皇太后登逍遙樓

裊鞠雲凝瑞靄光離宮侍

輦值重陽檻臨平楚嵐烟淡窻入遙峯樹色蒼遠墅幾  
家荒柴閉小橋獨木野流長最欣度節邊關外也有黃  
花獻

壽觴

曉日

曉日光寒白露淒馬蹄藉草不沾泥炊烟細裊村帘外  
殘月猶懸嶺樹西塞上山川皆畫意途中風景盡詩題

楓林沙阪經行處不數蘇公十里堤

題瀛臺隨安室

隨安者取其隨所遇而安之義故凡勝地虛庭明窓  
淨几無不以是顏其軒蓋藉以觸目會心云爾

書室依林俯碧瀾文窓紗綠稱遐觀庭虛松柏泛清籟  
坐久衣裳生峭寒觸目有懷皆遠俗忘言何處不隨安  
爐烟晝永禽魚適長嘯一聲天地寬

曉行

濃淡雲容石笋尖馬蹄踏處綠纖纖曉來遠塢依微辨  
雪後輕寒料峭添未至買餽思社鼓却饒沽酒認村帘  
行吟不為耽風景夾路桑麻取次覘

夜雨寄興

刻漏初催乙夜籌風聲漸息雨聲稠夢回行帳牽吟興  
想到公田喜澤流不必綠蕉聽浙浙却因黃幄思悠悠  
金吾漫苦征衫濕多少三農卜有秋

恭瞻

秦陵

聖德神功碑告成感成長句

貞珉萬古護雲烟拜觀

羹牆倍愴然

謨烈昭垂千百世

憂勤想見十三年慮周暑雨祁寒際澤溥山陬海陬邊

肯構無能繩

聖武捧盈長此矢乾乾

二月六日

二月六日淒水濱馬蹄踏雪無風塵瓦神社鼓儘隨俗  
柳葉杏花俱待春山色一鞭如送客鳥聲數啞解迎人  
蕨芽菜甲滿畦綠景物却羨山家新

夏日御園閒詠八首

幾服登樓暢遠襟喜因南畝足甘霖松篁籟靜青含潤  
谿壑雲深翠欲沉魚唼花紅浮水面蝸盤蘚綠匝堦心  
篆凝金字澄懷永物理民情獨自斟

霽後園林夏似秋，  
濃濃仙掌露華流。  
溪聲滑笏添新漲，  
山色疏眉入小樓。  
疑有片雲生晚岫，  
誰撐扁舫破烟洲。  
晝長贏得清吟興，  
不覺鷄人報午籌。

風槐烟柳綠成帷，  
影度紗櫺午日遲。  
暫向幾餘閒學草，  
偶因吟罷亦敲碁。  
曲池新漲分魚子，  
碧宇高空放鶴兒。  
最愛子西傳好句，  
依稀山靜小年時。

偶泛扁舟晚瀨明，  
風搖蘆荻灑然清。  
一天佳景誰為領，  
幾個閒鷗自作盟。  
山木無言偏得意，  
野花有分亦敷榮。

溪田愛看新秧茁綠水平疇正好耕

相風金鳳尾當南綠滿文窓生意含晝永花香醺似醉  
雨收天色碧於藍行看魚鳥閒來適坐擁詩書靜裏耽  
日暮池邊還徙倚一鉤明月鏡中涵

清暉閣畔幾株松著雨虬枝綠更濃每愛濤聲吹謖謖  
常看蓋影陰重重軒窓靜對含朝爽烏鵲歸飛帶夕舂  
陸葉山華紛闢艷堅貞只擬待三冬

壺天佳景入窓紗翠幄千層襯彩霞林壑畫圖疑伯虎

池塘鼓吹奏官蛙  
天光雲影供詩料  
鳥語花香長道芽  
詎樂蕭閒弛乾惕  
憂心時切萬民家

綠潤紅澆景倍新  
尋常行處草鋪茵  
烏鷗花片驚眠蝶  
魚傍蒲根避釣人  
漫擬閒情吟九夏  
那堪憂思度三春  
公田雨足心差慰  
生物從知天地仁

喜晴

挈壺蓮漏百花中  
殿角微傳朱雀風

陶朱公書朱  
雀風主晴

千畝

正含膏澤潤羣芳  
獨喜曉陽烘梳翎  
鶴立懸崖翠唼浪

魚隨落瓣紅，身在九重心。部屋較晴量雨一般同。

曝書

斐几冰懔晝曝書，古香馥馥透文疏。難逢爽籟吹長夏，肯使青緇飽白魚。謾擬閑情賦，鉛槧憑將結習驗。居諸阮家竿布非吾事，試展陳編若起予。

食荔支有感

炎州佳種號離支，巴峽瀘戎未足奇。色寫天霞連顆綴，影留閩月帶根移。

閩中歲進荔支多連樹本鮮摘色味絕佳

酪漿雪質無能

比玉管雲箋有所思夢裏不知身是夢還如

賜食寢門時

七夕後一日立秋

碧桐珠露共徘徊無那丁丁玉漏催白帝今朝傳令至  
黃姑昨夜帶秋來蟬聲似讓蛩聲急月影依然鏡影開  
底事人間兒女子蛛絲棕盒正相猜

青龍橋曉行二首

屏山積翠水澄潭颿杏衣襟爽氣含夾岸垂楊看綠褪

映波晚蓼正紅酣風來谷口鷄鳴  
瑟雨過河源天蔚藍  
十里稻畦秋早熟分明畫裏小江南

獵獵金颺盪綵旂迎涼輦上露華流  
橫橋雁齒迴朱舫  
遠浦蘭苕起白鷗禾黍香中千頃翠  
梧桐風裏十分秋  
凭輿喜動豐年永却憶三春午夜憂

野景

林野蕭疎曉氣寒金風過處草聲乾  
天高雲影留微縷  
水綠紗紋作淺瀾雁字寫殘青漢迥  
馬聲嘶斷綠臯寬

分明去歲邊關景只少楓黃與櫛丹

心遠閣秋眺

松柏青青槐柳黃登高把菊作重陽

時九月  
初六日

卧楹寫霧

軒窗迥飛觀圖雲翰墨香簷鐸風聲傳梵唄稻畦秋景  
貌江鄉吟餘試看前春句樹影依然上粉牆

今年直隸秋收倍常憑輿有喜因示接駕衆官

撫字心勞我爾同西成欣聞異車攻應籌教化緣加富

莫弛憂勤恃屢豐路不拾遺非郅治

路不拾遺美政也  
而有偽為者故云

野多滯穗始淳風清時詎貴催科巧休養還期盡乃衷

曉行

秋日懸清麗太虛鳴鞭颯爽拂衣裾野花綴露溶溶潤  
村樹經風漸漸疎人指青帘尋酒貰鳥銜翠羽帶烟梳  
詩成不用奚囊記付與橫空雁字書

落葉詩六首

落葉因風不自由故枝好在恨難留傍崖已分填黃土  
臨水何妨付碧流笛裏江城梅五月琴中沙浦雁三秋

人間別有傷心處  
逐客離妻一樣愁

綠褪紅稀綠更紅  
當前幻色總成空  
生憎雜沓來飛鳥  
真惜飄零類轉蓬  
桂父謾誇歌絳雪  
桃娘直欲嫁西風  
輸他松柏丰標在  
獨立青蔥晚籟中

逐霜含吹本無心  
古寺空庭趣轉深  
月下半牀還訝雪  
風前一樹不成陰  
獨憐辭榦驚烏寐  
詎類迷叢有蝶尋  
陸賦陶詩批點過  
千秋誰是最知音

吹萬寥刁越樣殊  
千林隕籜只斯須  
即空即色叅生滅

是耶非耶若有無

用漢武帝落葉哀蟬事

夢入華亭同怨鶴歌傳

夏口類棲鳥憑誰倩得荆關筆寫向疏峯四五株

金飈玉律近如何拂柳飄梧力轉多光逗一林湘渚月  
影搖千里洞庭波芳心已盡思前蘂生意無能續舊柯  
蠟炬春蠶差比似黃姑誰道隔銀河

無情殘卉却知秋最動騷人感賦愁詎擬推輪生大輅  
果然落葉起龍舟

見宋史樂志

幘頭自是誇倪范洞口何能

致阮劉莫認釋迦拈不起由來天地一浮漚

登盤山作

金根遙指碧雲隈  
磴路林扉迤邐開  
石裏流泉聞不見  
烟中飛鳥去還來  
南臨薊野耕桑富  
北枕盧龍關塞恢  
詎比登封誇豫大  
每思山水毓良材

冬日瀛臺即事二首

禁城鷄樹曉烟凝  
豁壑天然偶眺登  
積素墜枝全作雨  
懸流落澗半成冰  
丹樓翥鳳三洲外  
玉殿疏龍五色層  
淮浦災餘籌卒歲  
肯因清晏釋心憑

馭娑青驄踏玉華鏡中軒閣列仙家步來梅圃疑新畫  
坐久冰牀當小艇屈戌祥風浮篆細氍毹晴靄入簾斜  
天心來復誰知覺有脚陽春已動葭

正月初十日立春

青帝重閣當曉開銀蜍朱鳥共徘徊簪來勝綵三朝復  
數盡階蓂十葉纔豐澤摘辛堆玉簋

慈寧獻壽捧金杯漫言閏月遲時令試看韶華袞袞來  
建福宮新春二首

禁城景物報和韶初轉寅方玉斗杓漏洩春光梅破蕾  
招搖風信柳拖條池心鏡面冰將解牆角銀根雪欲銷  
振撥詩腸量多少新年覺比舊年饒

照壁熊丸燦九華祥煙濃作赤城霞土牛新看牽春至  
綠燕初飛掠曉斜臘雪猶然戀鴛瓦東風全不發綾花  
願將建福宮中福錫與寰區萬姓家

御園仲春二首

柳塘靄靄曳煙梢竹埭森森突筍勺新水蔚藍魚涉凍

遠林緝綠鵲營巢無邊生意歸芳甸有象清明繪野郊  
小閣攤書玩周易體乾時復九三爻

春寫園林燦綺窻流澌已解漱琤璫養花天氣遲蓮漏  
擘柳風光裊羽幢別院漫催排宴賞甫田旋念肇耕耰  
幾餘只有詩消日篆地蛟爐猷吐缸

詣

暢春園問安

鏡面湖光淡施春雲容山態已宜人鳥瞰魚頡清明候

驚影貌煙長樂晨遲日有心徐入座軟風無力不生塵  
瑤池信可瞻

王母一棹蘭舟達玉津

春日泛舟過北遠山村二首

山容染黛水澄泓面面江村畫意迎  
遲日暖煙臨上巳  
輕陰微雨釀清明沿堤草色無中有  
拍岸波光坐裏行  
最愛鱗塍方脈起扶犁叱犢一聲聲

榆火村酥野塢邊物含春意也嬋娟  
踈峯罨幕桃蒸綺

遠浦迷離雨作煙  
手卷畫中開  
別業水車聲裏過前川  
敲詩饒有厯農意  
不是尋花問柳船

春日同誠親王和親王遊宴御園作

雨歇芳林萬綺紛  
綠溪紅映碧波文  
欣浮桂舫同追景  
何異芸齋共樂羣  
百和濃香熏艷卉  
數峯輕縷帶歸雲  
今年膏澤叨靈貺  
敢懈祈年夙夜勤

聽唐侃彈琴

仙籟

琴名

平張梧几橫  
澄心試聽指絃聲  
古風猶見巢兮

燧哇律都刪琶與箏蟠蓋幾株吟韻謾垂虹百尺掛川  
晴愧予未解南薰愠領取春溫和且平

初夏靜明園

法海

寺名

東頭西海西湖山佳處似蘇堤雲中古寺紅遮

樹雨後新苔綠滿蹊愛看黍疇牛撥壠儘教松棟燕銜  
泥倦游得句鳴歸櫂一帶橫塘煙水迷

柳絮五首

綠雲紅雨日逡巡又見楊花點玉津未譜幽風歌七月

却看北地殿三春紛如道韞詩中雪污比元規扇上塵  
每對清和賦雲漢長空宛轉越愁人

汾塘回首憶生梯倏忽輕棉黯欲迷試看逐風真蕩爾  
可知辭榦渺愁兮煙中絲裊宋家殿浪裏鶯流蘇氏堤  
誰似參寥遊物外禪心灰盡喻沾泥

簇砌鋪阿色似霜從知駒影迅堂堂披裘無邨王恭老  
泣路應憐阮籍狂灑雨飄飄迷蝶舞入池喁喁惹魚忙  
花天月地粘還滯白白紅紅雨不妨

簾櫳亂撲恁霏霏王謝應勞塵尾揮瓦雀半鷗書案膩  
河豚欲上玉刀肥團風湘浦疑相點映月秦樓訝雪飛  
獨有村民思麥雨好將迷谷擬天衣

春回南國恨何窮別緒離情滿碧空未必猖狂如浪子  
每看搖落讓雄風下幃雅稱觀周易縛帚應須命越童  
不似武陵源畔樹粲波餘得一溪紅

立夏

習習薰風拂面來南訛平秩驗恢台輕棉脫盡人眠柳

規葉圓成鼠耳槐花裏遊蜂衝雨去溪邊狎鷺度雲迴  
黍疇麥隴皆需澤誰管韶華暗已催

讀資治通鑑綱目

抵押湘簾綠影斑時披青簡度幾間千秋不盡興亡故  
一念惟爭敬肆間功繼麟經誰復並文如遷史尚須刪  
獨予鑑古心恒惕俗慮塵緣未許攀

御門日雨二首

夜聽滲瀝滴井桐連朝膏雨沐

皇穹二年蘇澤差如願萬國關心敢息躬望去長空霏  
霏霏歡來大地解蟲蟲常人漫苦巾車漬後樂先憂爾  
我同

明旦乾乾凜亦臨憂從春杪到而今已欣若藥瘳時疾  
信是為霖沃朕心柳外亂珠隨浪濺簷間細溜帶煙斟  
侍臣莫擬張韓賦齋鄭猶然待澤深

香山示青崖和尚

峯含宿潤黛螺新一脈曹溪試問津  
總彼來青之梵室

對茲衣紫者山人却欣觸目皆無滓不必談元始遠塵  
坐久蘭煙消篆字禽聲樹色總天真

棲雲樓二首

為愛巉巖架木居風潭清泚朗吟餘泉聲入聽淙苔砌  
山色迎眸罨綺疏性癖煙霞聊復爾心依谿壑偶相於  
晚來松棟歸雲冒不遣微鱗鉞太虛

峯圍堂背竹梢簷雨後新年幾個添佳景自然來座席  
宿雲時復潤階簾粥魚齋鼓尋常聽樹色山容取次拈

更喜參疇青意好千家餅餌望中欣

題瀛臺舊書舍

精舍遙看渚嶼連依然書帶綠窻前那無逸興如今日  
剩有殘題憶昔年樹色溪光成靜賞花香鳥語絕塵緣  
旋臨勤政咨時務郅理遲登媿古賢

六月十九日立秋

只道光陰遇閏留却緣遇閏迅如流炎官後陣猶騰赫  
是日白帝頭銜已報秋蛩語漸從朝露絮蟬聲多向晚  
熱

風收司天謾進豐年驗

每逢節候欽天  
監占風以奏

未至西成詎解

憂

七月初八日因往盛京叩謁

祖陵恭奉

皇太后始發圓明園作

虞采綏旌次第排金風湊爽滿天佳王途于邁高秋淨

帳殿承歡

愛日諧望裏關東多王氣行經塞北暢清懷綿綿寶穡

秋成近觸撥吾悵詎有涯

關外山田

關外山田盡作梯漢南風景似江西  
水流野澗全無竹谷轉荒村別有蹊  
樂事食瓜兼剥棗生涯炊黍更蒸藜  
百年赤子經休養物土耕桑六合齊

楓二首

乍見新紅三五枝停鞭還為立移時  
吟丹自我償詩債

近作有楓林擗阪遲詩約塞上重吟一片丹之句

突綠看伊入畫姿松柏有心

原共秀李桃無色敢爭奇千秋知己應誰是只有司勳  
杜牧之

匪同烏鵲歎無枝一例寒林却耐時絕勝衰楊翻葉態  
還如老菊傲霜姿嫣紅不數江花好頰紫惟應塞樹奇  
自是山靈儀衛肅樵蘇誰得斧斯之

詠楓再疊前韻二首

朔地依然越鳥枝恍如霜落洞庭時滑稽重憶吳江句  
衰謝誰知漢苑姿百歲為人應是幻千年成虎已標奇

丹青天巧能渲染不藉名工顧愷之

最喜重吟絳雪枝酣紅猶讓昔年時詎因改綠訾無節  
却為施朱發妙姿平抹如看霞外影常醅似飲米中奇  
千林秋色知多少欲向山靈一問之

野村二首

野村臨水復依山鹿柴蝸居鎮日閑婦女溪頭浣水出  
兒童牛背唱歌還年年黍隴常遺種夜夜柴扉不掩關  
更喜秋來羊酪美篤成新釀共醅顏

河橋迤邐接旗亭八月霜遲草色青黍圃豈場今樂土  
黃沙白骨古嚴垌看餘晝蟻何曾捲興至吟鞭輒為停  
試問從來小隱客幾人不負草堂靈

秋蒐雜記詩五首

歲長九月有青蕪共道常年似此無

盛京早寒今歲過  
閏猶暖誠異事也

霧飲馬頭山逼面霜凝谷口樹粘鬚射熊何慮先升木  
待兔焉勞更守株赳赳羽林羣命中詎談却笑紀昌弧  
長白遙看數點青鷄翹五色韻旗鈴騰驤八駿來天廐

環供羣峯據地靈黃艷鶯兒新剪褶綠輝孔雀側拖翎  
朝家武備千秋獨太僕空傳效展軫

峯標木葉鬱崔嵬水漲松花淨池洄萬騎雲屯隨豹尾  
三秋風景異龍堆周詩底用誇麋友晉賦無勞藉雉媒  
更剪銀縈吟七字屬車賡和有鄒枚

連雲峯影自婆娑雨後新看矗黛螺黃幄背風依樹障  
朱旄面日出巖阿合圍麋鹿愁飛羽出隊狐狸駭獵獬

薄暮旌門鐃吹奏海青雲裏捉天鷲

曲名旌門鼓  
吹常奏此

虎韞駢弓越勁秋平岡草淺騁驂騶雁行狗監牽絲鞚  
馬上鷹師臂繡鞬風漾鈴聲金替戾雪開峯面玉雕鏤  
批麻丙夜斟民事距為從禽暫解憂

望葉赫舊墟敬惟我

太祖高皇帝以十三戎甲奮迹於此復警服衆遂成王  
業謹賦其事以示來許

寒盟由彼義何甘甲士當時祇十三自是

天心歆

日角幾曾虎旅藉犀函折衝底用稱韓信決策無須聽  
耿弇

創業艱辛千古獨垂衣敢恃面臨南

御崇政殿

碧海瞳矐曉日昇金猊風靜瑞烟騰元孫黼宸茲重御  
列祖威靈實式憑

六世繼繩惟敬畏百年含煦被藜蒸守成開創何難易  
只有憂勤與日增

十月朔日宴宗室羣臣於故宮

瞳眬海旭麗銀鋪宴擬橫汾湛露濡舞馬不須誇紫燕  
剪沉常自裊金鳧有椒共慶如茲盛無酒何妨謂我酤  
更喜皇州頒歲朔小陽春律正昭蘇

夷齊廟

盧龍孤竹城夷齊廟在焉史稱夷齊恥食周粟餓死  
首陽詩云采苓采苓首陽之顛疏謂在河南蒲坂而  
莊子則曰首陽山在岐山西北曹大家云在隴西元

和郡國志謂首陽山在河南偃師說文又謂在遼西  
則是首陽凡五各有證據而其為夷齊餓死之處則  
一也將孰之從惟遼史所載營州隣海軍下刺史本  
商之孤竹今之盧龍即遼營州地也爾雅所舉孤竹  
北戶注謂孤竹在北周時幅員不廣其以此處為極  
北固宜然則說文所謂首陽山在遼西者此為近之  
殆以詩在唐風而叩馬而諫當武王伐紂之時由是  
岐隴蒲偃皆附會其說耳夫夷齊清風在天下何處

非首陽豈爭疆域乎冕旒而墨胎以祀者尤非其志  
因係以詩而考其說如此

軒冕泥塗是本腸肯容儒雅污冠裳薇苓依舊西山岵  
頑懦羞登夫子堂只為心慙蹤異武敢將口實罪歸湯  
豈爭隴右還蒲左天下清風盡首陽

將至京作

瞳矓晴旭麗華旗展謁回鑾奉

聖慈樂奏上回多喜意禮將長至肅親祠田逢秋有酬

農苦人覺途遙嫌馬遲三月徂東異三載孔嘉新舊乃如之

詠爆竹

軋軋平原凍草萌却教非夏以雷鳴春從和朗聲中報人在吉祥煙裏行仙木駢羅增氣色飛雲借助散瑤瓊東皇鼓吹連宵發百福昌昌入鳳城

新春恭奉

皇太后駕幸圓明園作二首

柳眼花心各待春傳言青帝駕青輪香霏寒圃飄金粉  
色轉晴絲惹麴塵最愛風光迎午夜却離宮闕未由旬  
庾信詩注支僧載外國事  
由旬者晉言四十里也玉溝凍解琉璃滑恰與陽和

布澤勻

誰道仙家別有京依依

愛日永蓬瀛鳴春鳥擇昌條語畫水魚穿嫩藻行炬為  
迎蟾蓮萬朶梅因餞臘玉千莖芳年合有新詩咏物物  
春臺總向榮

春曉

輕寒覺透薄羅緯  
寂寂琴齋春曉時  
半榻清閒聊復爾  
一天韶麗付伊誰  
禽聲不辨間關語  
花色纔添四五枝  
我是宵衣籌治者  
那能高枕鎮吟詩

二月二十二日清明

花昌烏鵲日逡巡  
誰寫韶光一例勻  
二月已過三月節  
三分却判二分春  
綠雲罨柳斜臨岸  
紅雨霏桃暗洗塵  
嫩酪新煙都負也  
只餘幽緒入懷頻

午日詣

暢春園問安

蒲岸荷洲泛玉津

銅龍雙闕問安晨祗因憫雨遵

慈訓未敢稱觴答令辰

自春徂夏尚未得霑足雨澤  
皇太后步禱於園內龍神廟

朕恐懼惴惴莫知所措夫以朕之不德上累  
母憂勞遑敢以節序酒食之饌盡承歡之小節乎

聖  
黃

帽龍舟閒浦澈綠枝虎艾綴楣振分明舊歲端陽景饒

有新愁薄念頻

甘霖既霑詣

暢春園問安仰慰

聖母望歲之誠并成長句恭誌

盛德

自古祈年厯陞廷幾曾

步禱見慈寧承歡滋愧心無那破悶真知雨有靈

膝下先承多黍潤階前更喜散萱馨稱觴始得申衷悃

遙指南山入座青

清音齋

曠宇徘徊獨暢情耳謀目觀兩無營山如淨體無餘淨  
泉是清音中最清竹裏數篇依籟讀溪邊孤艇破煙撐  
近來稍得愁眉解露色風光卜順成

荔支至頒賜朝臣因而有感

閩中佳實秋前到相對年年有所思酬節祇供  
原廟薦承恩非復

寢門時飛來嶺外炎風送斜倚欄邊揭露垂料得擎歸

舊鴛侶幾多歡喜幾多悲

九日登高

性與秋光自覺諳登高此日暢幽探荷衣已破無從補  
楓頰纔紅尚未酣恰好得詩教鴈寫不須摘菊倩人簪  
晚來靜坐寒窻下即景頻頻惕九三

是日為乾隆九年九月九日云

天成寺撫觀乾隆七年遊盤山記因而有作

虛窻四啓曉霞流人在層巖最上頭詩句偶拈今日暇  
風光宛似昔年秋泉淙澗底琴音寫峯倚天邊畫景收

獨撫穹碑參結習轉教心惡重來遊

幸翰林院錫宴賦詩復得七律四首并示諸臣

歡騰芸署小陽春此日崇文引席珍  
顧我慚為房杜主  
宜伊獨數馬鄒臣  
石渠典故應增舊  
壁宿光華更覩新  
影麗花磚爭到八  
儘教霑醉酒三巡

瑞旭瞳矐靄扇鸞筵開翰墨會衣冠  
五車四庫從來紀  
劉井柯亭取次看  
玉版揮毫盈鳳沼  
花瓷賜茗擘龍團  
濟川自古資舟楫  
便欲因尋學海瀾

昌辰天祿集鵷聯欣詠斯干小雅篇鳥草翬飛躋君子  
誦詩講易共高賢光凝黼座垂華藻篆繞猊爐散瑞烟  
咫尺玉堂清切地底誇瀛島說登仙

百年禮樂慶昭融保泰常持惕若衷漫以新詩鳴豫大  
誰將忠告贊欽崇傳巖夢賚應無藉唐室賡歌訝許同  
心喜百僚知我意不將高議詡升中

按唐書張說倡封  
禪議帝名說與禮

官學士置酒集仙殿云云故其時諸臣詩中有高議待  
升中及將陪玉檢泥之句夫以崇儒之雅舉隱遂滿盈  
之私志非朕所取惟有兢兢業業與  
日俱長頌不如規我君臣其共勉之

清秘堂偶題

崇文稽古豈虛名翰苑維新此落成  
羣彥數過十八會  
小春暖湊一天晴  
冬池淡沲猶澄鑑  
夏屋徘徊獨暢情  
盆菊無言應有意  
自慙疎散也登瀛

十月二十七日幸翰林院賜大學士及翰林等宴  
因便閱貢院乃知雲路鵬程誠不易易也得詩  
四首

翰苑瓊筵酌令辰  
棘闈來閱鳳城闈  
百年士氣經培養

寸晷簷風實苦辛自古曾聞觀國彥從今不薄讀書人  
白駒翮羽傳周雅佐我休明四海春

盡道文章接上台菁莪樂育濟時才千秋得失非虛也  
咫尺雲泥亦幻哉若有淚眶啼桂落那無笑口對花開  
鳳池多少簪毫者都向龍門燒尾來

萬里扶搖正翮搏飛龍利見豈為干志賢聖志應須立  
言孔孟言大是難見說經綸推國士從來桃李屬春官  
但令姓氏朱衣點那惜三條淚燭殘

周遭圍棘院沈沈景物當前總入吟材擬圭璋方特達  
文歸雅正薄艱深禹門魚變辭凡水喬木鶯遷出故林  
寄語至公堂裏客莫教冰鑑負初心

雪

迎年臘雪曉霏霏雪色年光麗瑣闥二麥早占香餅餌  
九天真是灑珠璣龍樓作隊銀龍舞鳳閣來巢玉鳳飛  
底少絃歌娛宴暇心殷省歲勅惟幾

皇清文穎卷首二十三